



სსიპ-გორის სახელმწიფო უნივერსიტეტი
Legal Entity of Public Law - Gori State University



ბრძანება № 1-95

გორი

13 12 2023წ.

სსიპ გორის სახელმწიფო უნივერსიტეტში სტუდენტთა მეშვიდე საუნივერსიტეტთაშორისო სამეცნიერო კონფერენციის „სამართლის აქტუალური საკითხები“ ჩატარების დებულების დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2022 წლის 30 აგვისტოს N99/ნ ბრძანებით დამტკიცებული „საჯარო სამართლის იურიდიული პირის გორის სახელმწიფო უნივერსიტეტის წესდების“ მე-15 მუხლის პირველი და მე-7 პუნქტების, აკადემიური საბჭოს 2016 წლის 15 აპრილის N09-34 დადგენილების, ხარისხის უზრუნველყოფის სამსახურის უფროსის (11.12.2023. N1683763) და უფროსი მასწავლებლის (30.11.2023. N1628734) სამსახურებრივი ბარათების საფუძველზე

ვ ბ რ ძ ა ნ ე ბ:

1. დამტკიცდეს სსიპ გორის სახელმწიფო უნივერსიტეტში სტუდენტთა მეშვიდე საუნივერსიტეტთაშორისო სამეცნიერო კონფერენციის „სამართლის აქტუალური საკითხები“ ჩატარების დებულება დანართის შესაბამისად.
2. უნივერსიტეტის კანცელარიამ უზრუნველყოს ამ ბრძანების განთავსება ყველასთვის თვალსაჩინო ადგილას.
3. საინფორმაციო ტექნოლოგიების უზრუნველყოფის განყოფილებას დაევალოს ამ ბრძანების განთავსება უნივერსიტეტის ოფიციალურ ვებ-გვერდზე.
4. ეს ბრძანება ძალაში შევიდეს კანონით დადგენილი წესით.
5. წინამდებარე ბრძანება დაინტერესებული პირის მიერ შეიძლება გასაჩივრდეს კანონმდებლობით დადგენილი წესით ძალაში შესვლის დღიდან 1 თვის ვადაში გორის რაიონულ სასამართლოში (მისამართი: გორი, ჯორბენაძის ქ. N30).

რექტორი



ალექსანდრე მღებრიშვილი

სსიპ გორის სახელმწიფო უნივერსიტეტში სტუდენტთა მეშვიდე საუნივერსიტეტთაშორისო სამეცნიერო კონფერენციის – „სამართლის აქტუალური საკითხები“ – ჩატარების დებულება

1. აღნიშნული დებულება განსაზღვრავს სსიპ გორის სახელმწიფო უნივერსიტეტში სტუდენტთა მეშვიდე საუნივერსიტეტთაშორისო სამეცნიერო კონფერენციის „სამართლის აქტუალური საკითხები“ (შემდგომში - კონფერენცია) ჩატარების წესს;
2. კონფერენციას ორგანიზებას და სათანადო დონეზე ჩატარებას უხელმძღვანელებს სსიპ გორის სახელმწიფო უნივერსიტეტის უფროსი მასწავლებელი ივანე ბალახაშვილი;
3. კონფერენციაში მონაწილეობის მიღება შეუძლიათ საქართველოს უმაღლესი სასწავლებლების სამართლის და საჯარო მმართველობის საბაკალავრო, სამაგისტრო და სადოქტორო საგანმანათლებლო პროგრამების სტუდენტებს;
4. კონფერენციაზე წარმოდგენილი მოხსენებები უნდა ეხებოდეს თანამედროვე სამართლის აქტუალურ საკითხებს;
5. კონფერენციის სამუშაო ენაა ქართული;
6. კონფერენციაში მონაწილეობის მსურველებმა 2024 წლის 01 თებერვლის ჩათვლით ელექტრონული ფოსტის მისამართზე v.balakhshvili@gmail.com უნდა წარმოადგინონ:
 - ა) პირადი მონაცემების (აპლიკაციის) შევსებული ფორმა დანართი 1-ის შესაბამისად;
 - ბ) სამეცნიერო ნაშრომი.
7. საკონფერენციო სამეცნიერო ნაშრომი წარმოდგენილი უნდა იყოს ელექტრონული სახით შემდეგი მოთხოვნების დაცვით: ნაშრომი შეიძლება წარმოდგენილი იყოს ქართულ ენაზე Microsoft Word-ის დოკუმენტის სახით; ნაშრომისათვის სავალდებულოა Sylfaen შრიფტის გამოყენება; შრიფტის ზომა 11 (გარდა სათაურისა, შრიფტის ზომა სათაურისთვის 12), ინტერვალი 1,5; გვერდის პარამეტრები: დაშორება ზემოდან, ქვემოდან, მარჯვნიდან, მარცხნიდან 2 სმ.; ნაშრომს თან უნდა ახლდეს გამოყენებული ლიტერატურის ჩამონათვალი და რეზიუმე ინგლისურ ენაზე (რეზიუმე არაუმეტეს 300 სიტყვისა). ნაშრომის მოცულობა გამოყენებული ლიტერატურის ჩამონათვალისა და რეზიუმეს ჩათვლით არ უნდა აღემატებოდეს A4 ფორმატის 12 ნაბეჭდ გვერდს. ავტორის (ავტორების) სახელი და გვარი უნდა მიეთითოს ნაშრომის სათაურის ქვეშ ზედა მარჯვენა კუთხეში უმაღლესი სასწავლებლის, საგანმანათლებლო პროგრამისა და სწავლების წლის მითითებით;
8. კონფერენციის საორგანიზაციო კომიტეტი წარმოდგენილია შემდეგი შემადგენლობით:
 1. ალექსანდრე მღებრიშვილი, გორის სახელმწიფო უნივერსიტეტის რექტორის მოვალეობის შემსრულებელი, პროფესორი, კომიტეტის თავმჯდომარე;
 2. გიორგი ხორბალაძე, გორის სახელმწიფო უნივერსიტეტის ადმინისტრაციის ხელმძღვანელი, პროფესორი, კომიტეტის წევრი;
 3. ივანე ბალახაშვილი, გორის სახელმწიფო უნივერსიტეტის უფროსი მასწავლებელი, კომიტეტის წევრი;
 4. მარიკა შერაზადიშვილი, გორის სახელმწიფო უნივერსიტეტის სოციალურ მეცნიერებათა, ბიზნესისა და სამართალმცოდნეობის ფაკულტეტის დეკანი, პროფესორი, კომიტეტის წევრი;
 5. ანა იმნაძე, გორის სახელმწიფო უნივერსიტეტის საზოგადოებასთან ურთიერთობის სამსახურის უფროსი, ასოცირებული პროფესორი, კომიტეტის წევრი;
 6. ლევან მიდოდაშვილი, გორის სახელმწიფო უნივერსიტეტის ხარისხის უზრუნველყოფის სამსახურის უფროსი, პროფესორი, კომიტეტის წევრი;
9. კონფერენციის პროგრამული კომიტეტი წარმოდგენილია შემდეგი შემადგენლობით:
 1. ზვიად როგავა, გორის სახელმწიფო უნივერსიტეტის პროფესორი, კომიტეტის თავმჯდომარე;
 2. ნუნუ კვანტალიანი, გორის სახელმწიფო უნივერსიტეტის ასოცირებული პროფესორი, კომიტეტის წევრი;
 3. მალხაზ ლომსაძე, გორის სახელმწიფო უნივერსიტეტის პროფესორი, კომიტეტის წევრი;
 4. მაკა სალხინაშვილი, გორის სახელმწიფო უნივერსიტეტის პროფესორი, კომიტეტის წევრი;
 5. დავით გეფერიძე, გორის სახელმწიფო უნივერსიტეტის პროფესორი, კომიტეტის წევრი;
 6. ივანე ბალახაშვილი, გორის სახელმწიფო უნივერსიტეტის უფროსი მასწავლებელი, კომიტეტის წევრი;

10. თითოეული ნაშრომის შეფასება მოხდება პროგრამული კომიტეტის მიერ და მოწონებულ ნაშრომების ავტორები მოწვეულნი იქნებიან კონფერენციაში მონაწილეობის მისაღებად.
11. კონფერენციაში მონაწილე მომხსენებლებს გადაეცემათ კონფერენციაში მონაწილეობის დამადასტურებელი სერტიფიკატი.
12. კონფერენცია ჩატარდება 2024 წლის 09 და 10 თებერვალს.

სსიპ-გორის სახელმწიფო უნივერსიტეტი
სტუდენტთა მეშვიდე საუნივერსიტეტთაშორისო
სამეცნიერო კონფერენცია
„სამართლის აქტუალური საკითხები“

09-10 თებერვალი, 2024

სტუდენტის / სტუდენტების გვარი, სახელი:

მისამართი:

ტელეფონის ნომერი: მობილური: სახლი:

ელ-ფოსტის მისამართი:

უმაღლესი სასწავლებლის დასახელება:

ფაკულტეტის დასახელება:

საგანმანათლებლო პროგრამა: საბაკალავრო სამაგისტრო სადოქტორო

სწავლების წელი: პირველი მეორე მესამე მეოთხე

საგანმანათლებლო პროგრამის დასახელება:

ნაშრომის სათაური:

ხელმძღვანელის გვარი, სახელი, თანამდებობა: